



UNIVERSITÄTS-  
BIBLIOTHEK  
PADERBORN

Annvæ Provinciæ Boeticæ, 1652.

---

[urn:nbn:de:hbz:466:1-67908](https://nbn-resolving.org/urn:nbn:de:hbz:466:1-67908)

54                    ANNŪÆ BOETICÆ  
tasq; prædas agentibus; maxime postea-  
quàm ipso Assumptæ in cœlum MAGNÆ ac  
BEATÆ DOMINÆ (ut Hungari vocant) die,  
sedecim Turcarum millia, quæ parvum Co-  
maronicum invaserant, in fugam acta, &  
duo ex illis millia internecioni sunt data.  
Sed seu vincant Christiani, seu vincantur,  
utrinq; nostris est patiendum. Unde verè  
in labore ac patientiâ in perpetuo vitæ mor-  
risq; confinio possident suas animas, & ani-  
mas Christianorum sub jugo barbaro ge-  
mentium, ut ne in illis pereat nomen &  
sanguis Christi.

ANNŪÆ PROVINCIAE  
BOETICÆ, 1652.

I.  
**H**Æc Provincia in xxix. domici-  
lijs complectitur socios 427. Sa-  
cerdotes 198. Septem vitâ fun-  
cti; totidem in Societatem ad-  
missi.

§. I. *Fidei & Sacramentorum pro-  
pagatio.*

Sanctilucæ duo peregrè hospites ab hæ-  
resi læti in sinum Ecclesiæ concessere. Ga-  
dibus unus, Xeresij duo Mauri Mahome-  
rem cum Christo commutavère baptismo  
sacriati.

2. Con-

2. Conciones, & institutio Catechetica  
 insigne in Sacramentis emolumentum tu-  
 lere crebro fulmine in vitæ lubricæ corru-  
 ptelas vibrato. Quâ in re luculentis terro-  
 ribus duas potissimum servavit Deus. Ea-  
 rum altera virum Ecclesiasticæ Sanctitatis  
 dehonestamentum, ad præstitutam sceleri  
 horâ operiebatur meretricio sacrilegio ad  
 speculum sese comens, cum obscœnum il-  
 lum Ecclesiasticum, repentino morte im-  
 provisâ scelus antecapiente, concidisse au-  
 divit; & muliebri mundo abjecto, lacry-  
 marum ac doloris plena, ad nostrum pro  
 digna totius vitæ expiatione facienda accur-  
 rit; simulq; cum timore ac tremore divi-  
 næ justitiæ misericordiæq; arcana, quod illi  
 repente in mortem corruenti, superstes ad  
 pœnitentiam & spem salutis viveret, ado-  
 ravit.

3. Altera à lenone nobili, festis potissi-  
 mùm diebus persæpè laceffita, cum flagran-  
 tissimis precibus ab illo Satanz Angelo li-  
 bertatem à Deo postularet, pluribus jam  
 palmis gloriosa, sed etiam vincendo jam  
 fessa, & pudore & timore cooperta, se tan-  
 dem à Deo auditam intellexit, dum audiit  
 illum eadem horâ, quâ ad flagitandum il-  
 lud scelus solebat adventare, à famulo ju-  
 gularum.

4. Quis

4. Quidam cum se ad Sacramenta à Deo per conciones perurgeri sentiret, surdo corde præterijt, Accurrit tamen sine cunctatione, primo quodam diluculo ad animum obstinatè rebellem, jam demum dolore serio subigendum. Id quod ut faceret, ajebat se hâc per quietem imagine commonefactum. Ajebat petram se clausis ad quietem oculis aspexisse, quæ cavo sinu, eóq; gemino spectabilis, altero lætum apum egredientium ac ingredientium ultrò citròq; examen ostendebat. Ex altero petræ hiatu prærepebat serpens, qui horrendo morso miserum hunc in specum, velut in tumulum, pertrahere nitebatur. Huic dum obluçtaretur, somno solutus est, atq; ad Patrem, se de serpentis morso liberaturus, accurrit. Lætum verò apum examen illos esse piè interpretandos credidit, qui illis diebus frequentes ad sacramenta expiandi accesserant, ut suggerent mel de petra, in foraminibus petræ, in caverna maceriæ.

5. Inter missiones illa quoq; luculentiore fructu nobilitata est, quæ fuit apud eos, qui ad argenti vivi fodinas damnati Magistratui pœnas pendunt. Sed & cives intra mœnia, missionis emolumenta percepère, institutis sacris hisce expeditionibus, domi quoq; intra civitatem Guadirensẽ, Biazen-

zensem, Anduxarenses, & SanLucarenses, magnâ populorum quâ frequentiâ, quâ utilitate. Apud Anduxarenses procax horum irrisor miles factus est divinitus incitamentum ad ea, quæ petulanti rictu exploferat, & importunè turbaverat studia pietatis, improvifam ejus mortem eò referentibus omnibus, qui intemperantem hominis cachinationem nôrant. Nam qui civium & coamicorum pietatem irridebat, verè à DEO irrisus videri potest. Etenim inter explodendum sclopetum, pyrio pulvere fistulam ferream effringente, discerpta frustra hominem internecino casu prostravere in mortem.

§. 2. *Fames, & Dedicatio Ecclesie.*

6. Famem trepidatio, & quædam rabies popularis est comitata, ijs qui esuriebant, contra eos, qui annonæ rebus præfunt, pertumultuose frementibus. Tranquillari nostrâ quoq; industriâ debuit turbulenta concursio tempestatis. Et præter hæc Granatæ supra pecuniam, & jam trecenti panes, ac alia alimenta è Collegio, cum ad portam, tum ad vicus pauperum distributa. In San-Lucarensi Residentia precario vivimus, nec tamen sua defuit liberalitas paupertati. Quod in Societate jam sæpè usu probatum est, istic etiam usu venit,

venit, quod cum domi non nisi unicus panis esset, atque prandij tempore imminente, honesta femina sibi esurienti panem flagigaret, ac Superior domesticæ licet conscius egestatis, dimidiam tamen panis partem illi dari jussisset; nihil moratâ fidelis Dei liberalitate, mox à frustulo illo in eleemosynam dato, ab alia pia femina tantum nobis panis submissum sit, ut illud in triduum totum abunde suffecerit; ut sic Deus jejunitatem nostram ad liberalia charitatis viscera experimentis antiquis & novis excitaret.

7. Hic etiam annus Vtrerenfis templi nostri elegantiam & mole visendi rationem celebravit, SS. etiam Sacramento in novum templum, piâ domesticorum extrariorumque pompâ translato

§ 3. *Sodalitates B. V.*

8. Præter eam, quæ Hispali apud Professos, cum ipsius tituli eminentiam, cum Nobilium Sodalium claritudine magnas exemplo suo utilitates parit, Sanctissimæ TRINITATIS Sodalitatem; sunt etiam MARIANÆ. Gadibus, Episcopo rem admiratione, benedictione, lachrymis prosequente, à Sodalibus supplicatio instituta, ad famem avertendam, quam perpetua pluviarum inopia minabatur. E nostro templo per celebriora templa & plateas ad preces circumducta

ducta

ducta supplicatio alios passo, & cineribus asperso crine, ducebat; alios funibus, crucibus alios, onustos dabat ob oculos. Multi nudipedes, omnes pijssimo in silentio serio publicam rem agebant apud Deum. Hisce pietatis exemplis invitati etiam alij, tandem salutarem e cœlo pluviam elicuere.

9. Cordubæ de Nobilium Sodalium censu Senator urbis unus deligitur, qui tempestivis consilijs, apud Indices authoritate ac precibus pauperum lites ad finem optatum provehit, magno pauperum solatio, reiq; familiaris ac breviandarum, quæ aliàs in longum porrigarentur, causarum compendio.

§ 4. De S. P. Francisco Xaverio.

10. Antiquariæ fœmina acutis capitis doloribus cruciata, dolorem concepto ad S. Xaverium voto confestim discussit. Malacæ de festo Xaverij quotannis gloriose colendo pia fœmina piâ opulentiâ providit: eidemq; sancto in Parochiali quoq; S. Joannis templo altare erectum est.

§ 5. E vivis hoc anno sublati.

11. Præter Coadjutores tres virtute ordini suo consentaneâ laudatos obiit DIDAEVS DE SANT OMER Scholasticus Novitius Iprensis Flander, præclarâ fidei inter hæreticos

cos defensæ, Deiparæ Virginis eximie cul-  
tæ, ac dignâ Novitio pietate atq; modestiâ  
& demissione notabilis.

12. Granatæ desiderati P. BALTHASAR  
MENDEZ, & P. ANTONIVS GORMAZ pro-  
fessi, qui ætate ingravescente iudicio quoq;  
capti tamen mira pristinæ dum sibi consta-  
rent pietatis vestigia prodebant, insigni  
exemplo.

13. In Collegio Gaditano Rector vitâ  
cum officio perfunctus est P. JOANNES de  
ARMENTA, inter illustria concionatorum  
seriô ac solidè divina tractantium decora  
reponendus. Apud Viterrenses desijt vi-  
vere P. JOANNES GASPAR, at ipse Profes-  
sus. hunc nec sacra tribunalia, neq; concio  
absterrebat, quominus domo exeuntibus  
comitem se se demissè obedienterq; ad-  
jungeret, vir obedientiæ studio accurato,  
usq; quaq; ac undequaq; addictus.

## ANNVÆ PROVINCIÆ

BOHEMIÆ 1652.

SOCII DC.

### § I. Ecclesiæ Catholicæ propagatio.

I.

**I**llorum numerus, quos operâ Sociorum  
Ecclesiæ suæ adjunxit Deus, hoc anno est  
plus

plus